



Forum Romanum Scripts

Script: graecia capta

Salutatio

Favonius: Salvete, omnes! Mihi nomen est Marcus Favonius et hoc est Forum Romanum!
Quid novi est hodie? Brevis tempore videbimus. At primum, ecce Quaestio Hodierna!

Quaestio Hodierna

Lector: Quaestio hodierna est de rebus Graecis: Tot civitates in Italia meridiana Graecae sunt ut illa pars Italiae saepe esset appellata _____ . Responsum dabitur ad finem Fori Romani.

Quid Novi?

Favonius: Et nunc videamus quid novi sit. Hos nuntios modo recepimus:
Lucius Cornelius Sulla Athenas cepit! Hodie, Kalendis Martiis, L. Cornelius Sulla, imperator Romanus, obsidione Athenas cepit. Hanc obsidionem Athenis _____ exercitus Romanus exsequebatur multos menses sed hodie copiae Romanae tandem iter in urbem ruina moenium invenerunt.

Iulia: Gratias, Favoni. Athenae, clarissima urbium Graecarum, uno anno ante in amicitiam venerunt cum Mithridate, nefario atque perfido hoste populi Romani. Qua de causa, Cornelius Sulla, qui bellum contra Mithridatem adhuc feliciter gerit, oppugnationem in Athenas fecit. Favoni?

Favonius: Multae partes Athenarum detrimentum acceperunt: agora, locus communis similis nostro foro, accepit detrimentum grave. Etiam detrimentum accepit Erectheum, templum sanctissimum in acropole. Parthenon autem, clarissimum templum Athenae, quoque in acropole situm, nil detrimentum accepit, quoad scimus.

Iulia: Sulla, cum copiae Romanae Athenas intrarent, iussit urbem non flammis incendi. Sulla, ut videtur, demonstrabat reverentiam rerum Graecarum. Favoni?

Et Alia (Editorial by Roscius Gallus)

Favonius: Reverentiam rerum Graecarum. Saepe nos Romani dicunt de humanitate aut, si vis, de cultura nostra et Graeca. Fatendum est culturam Graecam praeclaram esse. Re vera, sunt multi qui dicant culturam Graecam

meliolem quam nostram esse. Ad his de rebus dicendum, hic est histrio clarissimus, Quintus Roscius Gallus.

Roscius: Salvete! Gratum est mihi adesse vobiscum. Et gratissimum est mihi dicere de cultura Graeca. Saepe dictum est, "Cultura Graeca moribus Romanis detrimento est." Marcus Cato Censorius persaepe hoc dixit. At verum, nonne Cato ipse Graece et dicere et scribere poterat? Nonne Cato Romam portavit Quintum Ennium, clarissimum poetam? Multi homines dicunt culturam Graecam intulisse magna mala Rei Publicae Romanae! Quid mali est in scriptis Platonis aut Aristotelis aut Herodoti? Quid mali est in tragoediis Aeschyli aut Sophoclis aut Euripedis? Quid in comeodiis Aristophanis? Quid ergo mali est apud Homerum? Nonne Ilias Odysseaque sunt optima maximaque carmina umquam scripta? Praeter has litteras bonas, modo cogita de artibus! Cogita de architectura! Cogita de medicina astrologiaque! Ut multis videtur, mos maiorum in periculo est. Quomodo potest? Quidnam periculi est in rebus Graecis? Re vera, cultura Graeca plurimos annos in Italia fuit. Ut bene scitis, pars meridiana nostrae Italiae appellata est Magna Graecia! Graecane cultura periculosa?! Minime, inquam! Immo etiam, ut mihi videtur, cultura Graeca intulit nil nisi bonum Rei Publicae Romanae!

Favonius: Multas gratias, Rosci Galle! Dicendum est: Sententia Roscii Galli non necessarie est sententia Fori Romani.

Tempestas Hodierna

Favonius: Tempus est audire de tempestate. Quam ob rem, hic est Aulus Serenus!

Serenus: Gratias tibi ago, Favoni. Videamus quaenam sit tempestas hodie. Per maiorem partem Italiae sol lucet, praesertim super Latium Romamque. Gratias Iovi! Auspicia autem item sunt bona ad tempestatem crastinam. Sed ad meridiem, in parte Italiae saepe appellata "Magna Graecia" pluit multum. Fortasse caelum lacrimat ob Athenas a Sulla captas! Pluit hic ubi sunt Neapolis et Pompeii et Capua. Ventosa madidaque hic in insula Sicilia, ubi sunt multae civitates Graecae, ut, exempli gratia, Syracusae, notissima urbs in Sicilia. Etiam pluit hic ubi est Brundisium, portus a quo nobis est mos navigare ad Graeciam. Ventosum et turbidum est Mare Adriaticum. Nec mirum, totam per Graeciam nubilosum est, praesertim hic ubi sunt miserae Athenae et Piraeus, portus Athenarum. Etiam ventosum et madidum est hic in Peloponneso ubi est Sparta. In Thessalia, ubi situs est Mons Olympus, pluit et tonat fulgetque! Ut Mare Adriaticum, Mare Aegaeum turbidum est, praesertim ad meridiem maris ubi sita est Creta. Tempestas ergo totas per terras Graecas horrida est, ut dignum, nam illi Graeculi non debent esse amici Mithridati, regi Pontico, et inimici nobis Romanis! Iam satis est. Aulus Serenus sum atque spero caela sint vobis valde serena!

Favonius: Multas gratias, Serene. Et nunc, ecce responsum quaestioni hodiernae.

Responsum Quaestioni

Lector: Quaestio hodierna erat ut sequitur: Tot civitates in Italia meridiana Graecae erant ut illa pars Italiae saepe esset appellata _____.

Responsum est hoc: Magna Graecia

Forum Romanum
Show #1: Graecia Capta

Favonius: Nunc tempus est videre nostrum Dictum Hodiernum!

Dictum Hodiernum

Lector: Dictum hodiernum excerptum a scriptis poetae Horatii.

Graecia capta ferum victorem cepit.

Valedictio

Favonius: Verba notanda. Ut repetamus nuntios principales: Lucius Cornelius Sulla Athenas cepit! Multae partes urbis, inprimis agora et Erectheum in acropole, detrimenta acceperunt. Parthenon autem nil detrimenti accepit. Totum est ad hanc editionem Fori Romani. Gratias summas agimus et di vobis faveant. Valete omnes!